

《中國地方藝文薈萃》編輯委員會 編

中國地方藝文薈萃

學苑出版社

華北及北卷·第一輯·玖



華北東北卷·第一輯  
玖

中國地方藝文薈萃

《中國地方藝文薈萃》編委會 編

貴州師範學院內部使用



山左明詩鈔三十五卷（三）

贵州师范学院内部使用

山左明詩鈔三十五卷（三）

（清）宋 弼輯

據清乾隆三十六年（一七七七）恩平縣衙刻本影印

山左明詩鈔卷第二十七

公鼐 八十六首

鼐字孝與家臣子萬歷辛丑進士改庶吉士授

編修歷官禮部右侍郎贈尙書諡文介有問次

齋稿明史本傳鼐為東宮講官引疾家居天啓初拜詹事上疏指陳光宗舊事明朝議紛

紘之謬欲纂修光廟實錄以成一朝信史以是為羣小所惡時言官多獲譴鼐上疏切諫并諷

輔臣忤旨切責鼐好學博聞磊落有器識見魏忠賢亂政引疾歸焦弱侯云先生詩發于情

鬯于旨極變窮工斟酌中和率歸大雅李季重云先生諸體咸妙不屑屑慕古亦不沾沾是

今極風雅之用晚年山居諸什尤得真趣漁洋山人云文介諸文淹雅不減唐人風致絕句

尤工明詩綜詩話言詩於萬歷則三齊之彥吾必以文介為巨擘焉其論古樂府力攻摹擬

之非深不滿於于麟然觀其七律仍以歷下為宗故有文章一代李滄溟之句同時名家馮用

韞于念東皆  
拔萃者也

### 戰城南

戰哀牢死蜀道骨肉不惜沾野草自我戍西便爲奴囚  
九死勿復道蜚輓徵調長爲縣官憂蠻煙沸沸瘴霧茫  
茫精銳盡鋒鏑贏瘠隨銷亾牢萬里何以來來何暮饑  
凍相逼勿復訴願圖立功良不易慷慨圖功名功名誠  
何期晨興夜歸撫心自悲

### 巫山高

巫山高巫峽長朝雲暮雨臨高唐霓旌翠蓋紛來翔陽  
臺瑤席蘭若芳懷王魂不歸故鄉襄王奔播郢城荒夷  
陵土黑秦燄張有夢不到巫山陽

商歌

白日晝潛九野暗遊霧流星度河漢腐草朽株竊餘輝  
鳥棲獸伏蚊蚋亂邱山溪壑莽無畔悵悵何之付長歎  
此夜悠悠獨不旦

銅雀臺

松柏異椒蘭山邱非華屋恩愛何幽明笙歌無斷續古  
來長門怨不若西陵哭

猛虎行

去肆近有酒肉違山遠聞螻蛄刻木議不對朝歌地不  
居禍福量輕重進退觀盈虛晨餐隨猛虎履尾自捐軀  
暮棲依野雀從禽復無虞鳴豫悲且至浚恒澤易枯多

智更多患甚精乃生愚千慮期必得一誤或乖踈天道  
好還返人情尤崎嶇大叔樂袒裼馮婦急下車良士憤  
且笑輕生戒狂且愬愬貴畏慎跛履警昏愉幽人獨坦  
坦中心常晏如

客從遠方來

客從遠方來貽我雙文禽置之巾箱中寶惜如兼金朝  
夕供飲啄夥粒皆璵琳羽翼日以長翻飛歸遠林去不  
歸故棲來不懷好音聚散自恒理眷戀傷予心積羽投  
洪波誰能定浮沈臨崖激翻車誰能論高深

白頭吟

明霞升扶桑纖月映雕梁妾貌寧有異君恩恐難長回

首望春日舉頭見秋霜情事非夙昔離合傷衷腸多情  
生曲折積踈漸乖張百年不可待兩心竟難量錢刀如  
遺土膏沐怨朝陽蘿枝良欲附花落豈更芳輕合成悵  
恨暮景空徬徨寄言締交者白頭慎勿忘

玉階怨

微月側漸沒行雲去不留階前雙桂影隱隱露華收

長相思

長相思思遠別胡霜飛塞草折黛眉擧愁腸結日月積  
逾長關山邈難越夏雨不絕雲冬陰常依雪寒漏滴滴  
傷妾心况是隴水方幽咽

懊懣歌

實情不復來華豔置何許寒雨濕枯桐生意誰道許

短歌行

我欲移山何時平我欲俟河何時清九州行遍終須住  
萬鍾積滿寧無傾濃花被谷春晝晚鴻鴈南歸冬日短  
烏鵲繞林星月稀蓬萊有路白雲遠

天可量

天可量海可測惟有人心無終極山可平川可塞惟有  
人情多反側翻雲覆雨不移時繫風捕影杳無跡鋒鏑  
之來尙易防伏匿之端殊難識圓如環曲如鈎屏風轉  
折船兩頭身如痾瘻口如蜜引繩下石虛綢繆康莊閑  
閑掘陷非平風靜浪生陽侯蔽日漫空朝見沫飛霜布

雪春如秋粧點有無變蒼素能使親信爲仇讎見機識  
微苦不早欲求涉世今已老一任擲揄自塊然謂我朱  
愚我亦好閉關偃仰睡高春起看春庭長芳草

夜渡滹沱寄邑中諸子

秋夜渡滹沱浩然結長想悵望東蒙峯臨流歎河廣

送呂汝成北歸

落日荒郊外陰蛩鳴早秋西風吹海月空照別離愁何  
日同爲客相逢古薊州前程如有問還上謫仙樓

詠懷

太行羊腸道黃河積石流羊腸何詰屈積石悵悠悠修  
坂摧車轂洪濤無方舟攘袂輕一往悵悵欲何求鬱紆

未能進耿耿心懷憂不如存吾好散髮以嬉遊

山寺遇雨

山雨滿崖谷四圍如籠烟石磴懸流水處處聞飛泉林  
杪澹深翠風聲垂高天盈盈一壑內邈若隔人寰

紀古語六首

天地有剝復人世有興衰氣數皆一定不足煩思惟禊  
厥循環理大抵皆常期方其全盛日已兆浸微基集霰  
抵雪盛履霜及冰危庸人爲物役俟至然後知冥目觸  
羅綱豈可尤天時大易有明訓神乎貴知幾

物理不兩大此虧成彼盈神奇化臭腐淵谷爲邱陵寰  
中日旋轉得失誰能憑計較一以起涼燠易櫻情數然

自紛擾徒規他人榮羨者不能至疾者不能傾君子貴  
居易素位爲令名

來事邈無際成毀多反復禍兮福所倚福兮禍所伏塞  
翁嗟失馬宋人驚白犢先笑後號咷冥者多顛仆行法  
以俟命自反乃常縮培覆本因材天意固可卜

越人不見毳周客不知璞拘儒昧大道窮鄉多曲學河  
伯詫秋水欲與滄溟角執德貴以弘隙窺殊齷齪行矣  
慕大方斯民獨先覺觀海登泰山所見一何卓

在昔正始日何鄧世共稱太初志雖大無才但虛聲平  
叔恣利口能使邦家傾言遠旨則近好辨乏深誠元茂  
惡異已有爲不求終徒知外惡利關鑰無內局多言多

瑕釁妬前寡親情惜哉彼三子福淺禍乃盈傅君獨先  
見明哲莫與京嘉言可垂訓書紳願自銘

文質本殊尙令終貴遠猷四奇信通士亦有四難憂言  
龐中難處術饒要難求性察下難事意廣願難周見長  
豈不美露短成愆尤羿射思善息隨珠忌暗投薰膏爲  
患害鸞鷁多優游逍遙入齊物達者誰爲儔

野歸晚眺

日落餘照還林端作金色暮鳥紛競去鳴蟬猶嘖嘖方  
塘謐清波澄光接天碧輕月沈更浮欲掬不可得佇望  
晚意佳坐久寒露濕

均州渡漢津禹貢又東爲滄浪之水是

薄暮渡滄浪水淥波如鏡翠碧緣岸垂亭樹闕深記松  
杉露罅隙花竹細相映布帆疾于馳回首失幽勝是時  
天中節彌江笳鼓競因知行役久溫燠倏更令楚道浩  
無涯衡湘渺難竟緬懷漁父辭低徊發高詠

歸田雜詠二首

山城負窮巷門無車馬喧况乃去荒野深谷園邱樊宵  
夜葺緇索闢徑除蒿繁桃李頗娟娟榆柳亦高蹇燒畬  
略接畛激澗輒窮源雖無南北垞僅同椒漆園枕流堪  
洗耳倚仗行負暄隱憂惟租調自得無陵援天伐倘可  
脫不媿任公言

遠遊得暫歸園圍久方釋漸與朝市遠轉戀林野寂田